

## Glasnik Sai Vibrionike

[www.vibrionics.org](http://www.vibrionics.org)

“Kad god vidite nesretnu, bolesnu ili potištenu osobu, to je polje vašeg služenja, seve.”

...Sri Sathya Sai Baba  
maj/juni 2017

Svezak 8, broj 3

### U ovom broju

☞ Iz pera dr. Jit K. Aggarwala	1 - 2
☞ Slučajevi s kombo-preparatima	2 - 6
☞ Profili praktičara	6 - 9
☞ Kutak za odgovore	9 - 10
☞ Božanske riječi Vrhunskog Iscjelitelja	10
☞ Obavještenja	11
☞ Dodatak	11 - 17

## ☞ Iz pera dr. Jit K. Aggarwala ☞

Dragi praktičari

Dana 24. aprila bio je šesti *aradhana mahotsavam* (dan ispunjen molitvom i prisjećanjem). Ovaj dan Swamijeovog *mahasamadhija* (napuštanja fizičkog tijela) duboko dira sve Sai poklonike i podsjeća nas da se, kako bismo pronašli našeg Gospoda Saija – suštinu našeg bića, trebamo usmjeriti prema unutra. Isus je također poučavao: “Kraljevstvo Nebesko je u vama”. Pravo pitanje je kako aktivirati ovu unutarnju povezanost i uvijek živjeti u blaženstvu Kraljevstva Nebeskog? Odgovor dolazi ni od kog drugog nego od Učitelja samog: “Za ljudska bića, ljubav i služenje su poput dva krila pomoću kojih treba stremiti ka ostvarenju Duha.”...Sathya Sai govori 28.34, 21. novembar 1995. Stoga, otvorimo portal svog srca, oslobodimo božansku ljubav u sebi i usmjerimo je putem nesebičnog služenja. To je tajna koja vodi istinskoj sreći.

U skladu s idealima našeg Učitelja, imamo veliki broj posvećenih praktičara koji su svojim služenjem mnogo toga učinili i dalje čine za Vibrioniku. U ovom broju odajemo priznanje prevodiocima i prevoditeljicama Glasnika i drugih vibrioničkih sadržaja. Njihov dobrovoljni rad, koji nam pomaže na nebrojene načine, od suštinske je važnosti za komunikaciju unutar vibrioničke zajednice. Duboko cijenimo i poštujemo njihovo nesebično služenje. Kao dio zahvalnosti, u ovaj broj uvrstili smo kratke izvještaje o njihovim iskustvima služenja.

Prošlog mjeseca, od 24. do 27. marta, imali smo priliku organizirati nacionalnu radionicu u Poljskoj. Ovo je bilo zaista prekrasno iskustvo jer su radionici prisustvovali i praktičari iz nekoliko susjednih zemalja kao što su Njemačka, Norveška, Rumunija i Slovenija! Oni su podijelili nekoliko izuzetnih slučajeva koji su bili tako dirljivi da su izazvali suze radosnice na licima mnogih prisutnih! Ovaj pokazatelj razvoja Sai Vibrionike u Evropi, koji se ogleda kroz nevjerojatnu osobnu posvećenost i profesionalni razvoj dobrovoljaca, uistinu nadahnjuje. Nadamo se da ćemo u nekom od narednih brojeva biti u prilici podijeliti s vama ishode radionice.

Praktičari iz SAD inicirali su istraživački projekat kako bi proširili razumijevanje različitih problema koji pogađaju biljke i životinje. Oni se nadaju da će doći do novih uvida koji će pomoći u liječenju širokog raspona oboljenja u biljnom i životinjskom carstvu.

S jednim ciljem da Swamijevim iscjeljujućim vibracijama dotaknemo što više života, molim vas da unaprijedite svoju praksu za korak više imajući na umu božansko naslijeđe svakog bića i Saijevu misiju ljubavi. Također pozivam sve praktičare da se prijave za članstvo u Međunarodnoj asocijaciji praktičara Sai Vibrionike tako što će se logirati na web stranicu [www.vibrionics.org](http://www.vibrionics.org) i popuniti online obrazac u rubrici *Resource Library*. Nadam se da se uvijek osjećate slobodnim da kontaktirate svog nacionalnog

koordinatora u vezi s pitanjima koja imate te u slučaju da želite ponuditi pomoć u organizacijskim i administrativnim zadacima. Potreba je konstantna, a naša zahvalnost neizmjenjiva!

Ostajemo vječno zahvalni svakome od vas pojedinačno, ali iznad svega, ostajemo zahvalni Swamiju koji nam je kroz Vibrioniku podario priliku da "volimo sve i služimo svima".

U služnju Saija s ljubavlju,  
Jit K Aggarwal

## ☪ Slučajevi s kombo-preparatima ☪

### 1. Rak grla <sup>02090...India</sup>

U junu 2014. sin gospodina (starog 90 godina) obratio se praktičaru u vezi sa zdravljem svog oca. Na osnovu pregleda magnetnom rezonancom, dijagnoza je glasila 'uznapredovali stadij raka grla'. Pacijent je imao velikih poteškoća prilikom jedenja i pijenja. Dijagnozu je najprije dao otorinolaringolog te je pacijent kasnije upućen čuvenom onkologu u Kerali. Specijalista je preporučio terapiju zračenjem te upozorio sina o mogućim posljedicama kao što su zastoj srca i smrt. U svakom slučaju, doktor je rekao da će u roku od tri mjeseca pacijent trebati cjevčicu za hranjenje. Sin se posavjetovao s nekoliko stručnjaka i svi su mu dali isto mišljenje. Konačno se porodica odlučila protiv alopatskog tretmana te su posjetili vibro praktičara. Praktičar im je savjetovao da uzimaju vibrice uporedo s alopacijom, ali su oni na vlastiti rizik odlučili da ne uzimaju alopatske lijekove. Liječenje je započelo sljedećom kombinacijom:

**#1. CC2.1 Cancers - all + CC2.2 Cancer pain + CC2.3 Tumours & Growths + CC19.7 Throat chronic...TDS**

Mjesec dana poslije prilikom pregleda se pokazalo da je pacijent doživio veliko olakšanje. Bol se smanjio u značajnoj mjeri, i nije imao mnogo problema s jedenjem i pijenjem. Osjećao je poboljšanje od 20%.

Međutim, praktičar je iznutra osjetio da uporedo s prvom treba dodati i sljedeću kombinaciju:

**#2. SR522 Pituitary Anterior + SR523 Pituitary Posterior...TDS**

Nakon toga je došlo do značajnog poboljšanja. Nakon dvije godine uzimanja vibro lijekova, onkolog je rekao sinu da je slučaj njegovog oca misterij za modernu znanost. Raku nije bilo ni traga! Pacijent je normalno konzumirao hranu svo vrijeme bez potrebe za cjevčicom. Kasnije, u julu 2016, gospodin je mirno izdahnuo u snu.

**Napomena urednika:** Za vrijeme liječenja raka, kad god se ukazala potreba, praktičar je pacijentu davao i odgovarajuće lijekove za brojne akutne probleme kao što su groznica, kašalj, iscrpljenost i upala pluća.

### 2. Poteškoće s učenjem <sup>02090...India</sup>

8. januara 2017. mlada majka je praktičaru dovela svoju osmogodišnju djevojčicu. Djevojčica je bila treći razred osnovne škole i imala je historiju poteškoća s učenjem. To je bilo očito na osnovu činjenice da još uvijek nije bila naučila ni abecedu kako treba. Praktičar je razgovarao i sa majkom i sa djevojčicom te je propisao sljedeći lijek:

**CC12.2 Child tonic + CC15.5 ADD & Autism + CC17.3 Brain & Memory tonic...TDS**

Šest sedmica nakon početka tretmana, majka je sretna izvijestila od nedavnim primjedbama djevojčicine učiteljice. Prema njezinim riječima, djevojčica je u kratkom vremenskom rasponu dobro svladala abecedu a njena sposobnost koncentracije na učenje se značajno poboljšala. Praktičar je savjetovao majci da joj nastavi davati lijek još godinu dana.

**Komentar urednika:** Praktičari u Kerali već nekoliko godina praktikuju davanje tonika djeci i učenicima različitih što je, zahvaljujući izvrsnim rezultatima koje postiže, tamo postala vrlo popularna praksa.

### 3. Osteonekroza rebara <sup>10602...India</sup>

7. septembra 2016. gospođa (67) se požalila praktičarki na vrlo bolne gnojne čireve unutar i oko ožiljka od zadnje operacije. Glavni hirurg je zaključio da su čirevi posljedica osteonekroze koja se obično javlja kao posljedica zračenja. Naime, prije 18 godina gospođa je prošla terapiju zračenjem zbog raka dojke, nakon čega su joj odstranili nekoliko teško inficiranih rebara. Sada je hirurg predložio odstranjivanje inficiranih rebara kako bi spriječio daljnje širenje infekcije. Pacijentkinja se jako bojala operacije, jer je prošli put morala podnositi akutni bol, ne samo prije, već i dvije sedmice nakon operacije. Praktičarka joj je

savjetovala da bude hrabra i da se operiše, ali da ima nepokolebljivu vjeru u Swamija, božanskog Liječnika. Dala joj je:

**#1. CC10.1 Emergencies + CC12.1 Adult tonic + CC15.1 Mental & Emotional tonic...TDS**

**#2. CC2.1 Cancers - all + CC2.2 Cancer pain + CC9.2 Infections acute + CC21.11 Wounds & Abrasions...6TD**

Gospođa je prema savjetu praktičarke 27. septembra otišla na operaciju s potpunom vjerom. Operacija je trajala 5 sati i, na pacijentkinjino iznenađenje, prošla bez bolova. Sljedećeg dana pacijentkinja je razgovarala s praktičarkom iz kreveta na intenzivnom odjeljenju rekavši kako nije osjetila bol ni prije ni poslije operacije te je bila vrlo sretna zbog toga. Na iznenađenje liječnika, infekcija se nije proširila kako su očekivali te su uklonili samo jedno desno rebro na vrhu.

Nakon mjesec dana, doziranje **#2** je smanjeno na **QDS**. Nakon dva mjeseca, doziranje **#2** je smanjeno na **TDS**, ali za **#1** na **BD**. Nakon tri mjeseca, pacijentkinja je posjetila praktičarku kako bi joj izrazila zahvalnost. Savjetovano joj je da nastavi oba lijeka uzimati **OD** mjesec dana, a da kasnije smanji na dozu za održavanje - **OW**. Na zadnjem pregledu, pacijentkinja je bila zdrava i sretna bez ikakvih problema i nije imala potrebu za nastavkom terapije.

+++++  
**4. Hronični bol u truhu** <sup>10602...India</sup>

Gospođa (93) koja je preko 40 godina patila od hroničnog bola u truhu obratila se praktičarki 7. marta 2015. Tokom tog perioda uzimala je alopatske lijekove te prošla različite operacije kao što su odstranjenje maternice prije 35 godina, odstranjenje žučnog mjehura prije 20 godina, liječenje pankreasa i bubrežnog kamena prije 10 godina te operacija hernije prije pet godina. Uprkos svim tim tretmanima, liječnici nisu mogli pronaći pravi uzrok trbušnih bolova. Praktičarka je također saznala da je pored hroničnog bola u truhu pacijentkinja u zadnje dvije sedmice patila od akutnih bolova u želucu s osjećajem pečenja, kao i od vrtoglavice. Nije imala apetita ni energije te je bila prilično razdražljiva i frustrirana.

Praktičarka joj je uz molitvu dala sljedeće lijekove:

**#1. CC12.1 Adult tonic + CC15.1 Mental & Emotional tonic + CC18.7 Vertigo...6TD**

**#2. CC4.2 Liver & Gallbladder tonic + CC4.3 Appendicitis + CC4.4 Constipation + CC4.5 Ulcers + CC4.6 Diarrhoea + CC4.8 Gastroenteritis + CC4.9 Hernia + CC4.10 Indigestion...6TD**

Nakon dvije sedmice pacijentkinja je sretna izvijestila da joj se bol u želucu smanjio za 50%, a da je vrtoglavica potpuno nestala. Jela je prilično dobro i osjećala se energičnom. Tako da je doziranje **#1** i **#2** smanjeno na **QDS**. Nakon mjesec dana, pacijentkinja je izvijestila da su svi njeni problemi riješeni i da se osjeća potpuno zdravo. Lijekovi su nastavljeni sa smanjenom dozom od **BD** mjesec dana, a zatim **OD** još mjesec dana.

20. januara 2016. pacijentkinja je posjetila praktičarku samo da izrazi svoju sreću i zahvalnost njoj i Babi koji su je izliječili u potpunosti. U vrijeme pisanja ovog slučaja, u aprilu 2017, pacijentkinja je i dalje zadovoljna i sretna a simptomi se nisu vratili.

+++++  
**5. Dijabetes** <sup>11576...India</sup>

Žena (78) kojoj je dijagnosticiran dijabetes 2009. obratila se praktičaru 3. aprila 2016. Osjećala je jak umor i često se morala odmarati. Činilo se da su mnoge godine ograničenja u ishrani i potrebe za kontrolom unosa šećera ostavile emotivnog traga na njoj. Pritisak i holesterol su joj bili normalni, a u porodici niko nije patio od dijabetesa.

Njen šećer prije jela iznosio je 180mg/dl (normalni 70-100mg/dl), a poslije jela 240mg/dl (normalni <140 mg/dl). U proteklih sedam godina liječnik joj je propisao nekoliko različitih alopatskih lijekova. Trenutno je uz obroke uzimala Metformin 500mg (i vitamin B12), dvaput dnevno.

Praktičar je pomoću viska ustanovio da joj jetra ne funkcioniše dobro, tako da je dobila:

**CC4.2 Liver & Gallbladder tonic + CC6.3 Diabetes + CC12.1 Adult tonic + CC15.1 Mental & Emotional tonic...QDS** u vodi

Regulisana ishrana, fizičke vježbe i kontrola težine su također bili dio cjelovitog plana njezinog tretmana. Savjetovano joj je da izbjegava namirnice s visokim glikemijskim indeksom (GI) te da konzumira mnogo svježeg povrća, pšenične trave i svježe nasjeckanog luka, s dobro raspoređenim dnevnim unosom čiste

vode. Također joj je savjetovano da bude u redovnom kontaktu sa svojim liječnikom kako bi pratila šećer te regulisala unos alopatskih lijekova zbog očekivanog smanjenja šećera u krvi.

Nakon deset dana, u očitanjima šećera je došlo do 20% poboljšanja. Nakon devet sedmica došlo je do poboljšanja od 50%, tako da joj je doziranje smanjeno na **TDS**. Pacijentkinja je počela da se osjeća lakšom te je imala mnogo više energije. Za četiri mjeseca razina šećera i prije i poslije jela joj je kontinuirano bila unutar granica normalnog. Zbog toga joj je doziranje smanjeno na **BD**, a zatim do januara 2017. postepeno na **OW**. Pored toga, liječnik joj je smanjio Metformin sa dva puta na jedanput dnevno da bi ga, do kraja januara 2017, potpuno ukinuo.

Od aprila 2017. pacijentkinja se osjeća dobro, oslobođena je svih simptoma i nastavlja uzimati dozu za održavanje - **OW**.

**Komentar praktičara:**

Svi laboratorijski nalazi koji ukazuju na postojano smanjivanje nivoa šećera u krvi ove pacijentkinje su dostupni na uvid.

---

## 6. Hipotireoza <sup>11576...India</sup>

12. marta 2016. praktičaru se obratila gospođa (42) koja je proteklih deset godina patila od hipotireoze. Usljed smanjenog lučenja hormona štitnjače bila je pretila i bez energije. Iako su joj bilo i holesterol bili normalni žalila se na umor, usporenost, depresiju, nemir i razdražljivost. Imala je poteškoća sa zaspivanjem. Uvijek joj je bilo vrlo hladno. Kao dio alopatskog tretmana uzimala je 75 mg tiroksina dnevno.

Dobila je:

**CC6.2 Hypothyroid + CC12.1 Adult tonic + CC15.1 Mental & Emotional tonic...QDS** u vodi

Za vrijeme prve posjete naglasila je praktičaru da se osjetila vrlo sretnom nakon što je dobila prvu dozu. Mjesec dana kasnije, očitavanja svih hormona štitnjače – FT3, FT4 i TSH – bila su niža. Tri mjeseca kasnije, u junu 2016, nalaz krvi je pokazao da joj je funkcija štitnjače savršeno normalna, tako da joj je liječnik smanjio tiroksin na 25 mg. Praktičar je također počeo smanjivati doziranje tako što ga je sveo na **OD** do augusta i **OW** do oktobra. U septembru 2016. liječnik joj je ukinuo tiroksin. Od aprila 2017. gospođa nastavlja uzimati vibro lijek **OW**, a nivoi hormona štitnjače su postojani. Tjelesna masa joj se smanjila za 10 kg.

**Komentar praktičara:**

Sretan sam što mogu izvijestiti da se u oktobru 2016. gospođa ponovo udala i da se preselila u drugi grad.

---

## 7. Rana uzrokovana povredom <sup>03536...Italy</sup>

Gospođa (53), restoratorica po zanimanju, povrijedila je vrh desnog kažiprsta ekserom ili ivericom. Rana je bila veličine oko 8 mm. Zbog mjesta povrede, prirode posla i hladnog vremena, rana nije zacijelila ni nakon mjesec dana. U vrijeme konsultacije, 25. januara 2017, činila se kao pukotina, blago je krvarila, bila je upaljena i bolna. Gospođa nije tražila nikakav drugi tretman.

Praktičarka je pripremila sljedeće:

**CC21.5 Dry Sores + CC21.11 Wounds & Abrasions** u alkoholu te ukapala direktno na otvorenu ranu.

Gotovo odmah, u roku od nekoliko minuta, primijetili su kako upaljeni crveni dio oko rane postaje svjetliji i kako koža poprima normalnu boju. Također, rana se počela zatvarati te zadobivati zdrav izgled. Uporedo s fizičkim promjenama, bol je potpuno prestala i nije se vratila. Prema sve mu sudeći, u roku od samo nekoliko minuta došlo je do potpunog oporavka. Međutim, kao mjeru predostrožnosti i kako bi se pobrinula za neki neiscijeljeni aspekt rane, praktičarka je ponovo nekoliko sati kasnije aplicirala gornju kombinaciju u alkoholu.

Za dva dana, mrtve ćelije kože otpale su same od sebe. Pacijentkinja nije mogla shvatiti čemu je to upravo svjedočila. Rekla je da je ono što se desilo uistinu nevjerovatno i da se ne može objasniti klasičnom naukom. S druge strane, za praktičarku, to je bila samo još jedna potvrda veličine i tajnovitosti puteva na koje Božanska Ljubav djeluje. Otkad je to doživjela, pacijentkinja uzima samo vibrioničke lijekove za sve svoje probleme sa zdravljem.



## 8. Leišmanijaza kod psa <sup>02584...Italy</sup>

Praktičarki se obratio lovac zbog četiri lovačka psa, u dobi između 7 i 8 godina, koji su bili pogođeni leišmanijazom. Leišmanijaza je parazitska, potencijalno smrtna bolest koju prenosi insekt sličan komarcu. Dva psa su patila duže od godinu dana, a druga dva nekoliko posljednjih mjeseci. Simptomi su bili gubitak težine, totalni gubitak dlake i prestanak rasta noktiju. Veterinar je savjetovao uspavlivanje jer im nije bio u stanju pružiti nikakvu vrstu tretmana.

30. novembra 2005. praktičarka je propisala:

**#1. NM2 Blood + NM86 Immunity + NM116 Malaria Extra Strength + OM28 Immune System + SM26 Immunity...OD**

Vlasniku je savjetovano da psima daje lijekove tri sedmice, zatim da naredne tri sedmice prestane, i da proces ponovi tri puta. Međutim, u roku od tri do četiri sedmice sva četiri psa su se potpuno oporavila, ali je praktičarka otišla na odmor od četiri mjeseca! Kad se vratila, lovac ju je izvjestio da su psi izgubili dlaku i da se čine slabima. 4. maja 2006. praktičarka je savjetovala da im se u vodu stavlja sljedeća kombinacija:

**Za gubitak dlake i slabost:**

**#2. SR256 Ferrum Phos + SR361 Acetic Acid**

U roku od samo tri sedmice, psi su povratili snagu i dlaka im je ponovo počela rasti. Kako je na otoku ovog lovca vladala pseća leišmanijaza, praktičarka je nastavila njegovim psima svake godine u proljeće preventivno davati **#1...OD**. Psi su se osjećali dobro i više nije bilo izvještaja od leišmanijazi. Vlasnik je vrlo sretan i zahvalan.

---

## 9. Hronični aciditet i alergija na pšenicu <sup>10001...India</sup>

U septembru 2015. djevojka (28) je posjetila praktičarku žaleći se na aciditet koji ju je mučio proteklih osam godina. To je za posljedicu imalo tešku glavobolju koja je trajala nekoliko sati gotovo svaki dan, a djevojci bi bilo lakše samo kad bi uzela alopatski analgetik (Crocina). To je bilo vrlo stresno te je rezultiralo smanjenjem samopouzdanja. Pacijentkinja je prestala uzimati analgetik te se odlučila za vibrionički lijek:

**Za aciditet i glavobolju:**

**#1. CC4.10 Indigestion + CC11.3 Headaches + CC12.1 Adult tonic...6TD**

**Za vrijeme perioda jakog stresa:**

**#2. CC10.1 Emergencies + CC15.1 Mental & Emotional tonic...jedna doza po potrebi**

Pacijentkinja je osjetila trenutačan rezultat te je nakon sedam dana izvjestila da se, što se glavobolje tiče, osjeća 80% bolje. Kombinaciju **#2** je uzela nekoliko puta tokom sedmice i osjetila se opuštenijom i oslobođenom stresa. Nakon mjesec dana, doziranje **#1** je smanjeno na **TDS**, a zatim postepeno na **OW** prije nego što je nakon još mjesec dana prestala. Pacijentkinja je odlučila da prestane uzimati i **#2** jer nije osjećala potrebu za njom.

U februaru 2016. pacijentkinja je otkrila praktičarki da je protekle tri godine bila alergična na čapatije od pšeničnog brašna. Čim bi ih pojela, osjetila bi bol u želucu. Praktičarka je napravila lijek od **pšeničnog brašna potencirajući ga na 200C** te joj je propisala dozu od **TDS**. Za samo mjesec dana pacijentkinja je izvjestila da više ne osjeća bolove u želucu te je ponovo počela uživati u čapatijima. Doziranje je postepeno smanjivano do **OW** prije nego što je u julu 2016, nakon tri mjeseca, prestala uzimati lijek. Za posljednjeg pregleda, u decembru 2016, pacijentkinja je bila potpuno oslobođena svih simptoma, tj. aciditeta, glavobolje i bolova u želucu i nije više trebala nikakve lijekove.

Komentar urednika:

Aciditet i glavobolja su mogli biti posljedica alergije na pšenicu. U slučaju da joj se najprije liječila alergija, vrlo je vjerovatno da bi se drugi simptomi povukli sami od sebe bez potrebe za daljnjim liječenjem. Zato je važno potaknuti pacijente da se za vrijeme konsultacije prisjete i podijele s nama **sve** svoje simptome.

---

## 10. Poremećaj ispitne anksioznosti <sup>02899...UK</sup>

27. marta 2016. dječaka (15) je praktičaru dovela njegova majka. On je učio za eksternu maturu u srednjoj školi zbog čega je postao ekstremno stresiran i anksiozan što je rezultiralo napadima panike. Taj ispit bio je izuzetno važna odskočna daska u njegovoj karijeri. Ovaj mladić, iako generalno nije bio sklon stresu,

bio je toliko napet da je čak povremeno patio i od krvarenja nosa. Nije tražio niti jedan drugi medicinski tretman.

Pored ovoga, cijeli život je zimi patio od grlobolje i prehlade te je uzimao lijekove bez recepta koji su mu pružali samo privremeno olakšanje jer se problem vraćao. Njegova majka je napomenula da se radi o vrlo emotivnom i osjetljivom dječaku.

Dobio je:

**CC10.1 Emergencies + CC12.2 Child tonic + CC15.1 Mental & Emotional tonic + CC19.7 Throat chronic...** u vodi **svakih 10 minuta** najprije **jedan sat, a zatim 6TD**

Nakon šest sedmica, majka je izvijestila da se sin osjeća dobro te da mu je lijek strašno pomogao tako što ga je smirio u vrijeme početka ispita. Onim danima kad bi ona zaboravila da mu pripremi lijek u vodi, dječak bi ga pripremio sâm jer je već bio iskusio njegove blagodeti. Polagao je ispite u maju i junu, a rezultati su izašli u augustu. 27. septembra majka je nazvala da izvijesti da je njen sin nastavio uzimati lijek sve do zadnjeg dana ispita. Zatim je pacijent preuzeo slušalicu. Zvučao je vrlo uzbuđeno te je izvijestio da mu je lijek uistinu pomogao da postigne izvanredne rezultate, na radost njegovih roditelja, prijatelja i obitelji. Od 27. marta 2017. nije iskusio nikakvu anksioznost, stres, napade panike, niti je od jula 2016. imao krvarenje iz nosa, te je od jula također slobodan od prehlade i grlobolje. Trenutno je vrlo zadovoljan studijem.

### **Svjedočenje pacijenta:**

Prije završnih ispita osjećao sam kako se ne mogu izboriti s pritiskom. Očekivao sam puno od sebe, ali stres mi je uništavao samopouzdanje. Moja mama se zato obratila praktičaru koji mi je propisao vibro lijekove. Prije nego što bih počeo s ponavljanjem gradiva, pripremio bih sebi mješavinu s vodom i čim bih je popio, osjetio bih kako mi se tijelo oslobađa svake napetosti. Uzimao sam gutljaj svakih 10 minuta unutar jednog sata, zatim bih napravio pauzu od dva sata, te bih potom ponovio ciklus. Prije nego sam probao ovo piće, ni fizički ni mentalno nisam mogao izaći na kraj sa stresom. Za samo dvije sedmice tretmana osjetio sam pozitivne efekte u svom tijelu – mogao sam duže raditi bez stresa i probleme sam posmatrao iz drugog ugla. Na kraju sam postigao vrhunske rezultate, a tajna mog uspjeha krila se u ovoj mješavini. Posebno bih se želio zahvaliti praktičaru koji mi je dao priliku da iskusim ovo čarobno piće i pozitivne efekte koje je ono imalo na mene i moj um.


\*\*\*\*\*

## **❧ Profili praktičara ❧**



**Praktičar** <sup>02090...India</sup>, nakon što se 2001. iz državne službe povukao u mirovinu čeznuo je za tim da uroni u osobnu *sadhanu*. Kako je odani Swamijev poklonik, često je posjećivao Prashanti Nilayam. Za vrijeme jedne od tih posjeta, kad je otišao da prisustvuje uobičajenom studijskom kružoku, otkrio je da se umjesto njega odvija trodnevni niz predavanja o Vibrionici koje je držao dr. JK Aggarwal. Istog je trena bio privučen ovim nevjerojatnim oblikom alternativnog liječenja jer je već ranije bio uključen u organiziranje medicinskih kampova u Kerali. Obratio se dr. Aggarwalu s iskrenom željom da savlada ovaj sistem iscjeljivanja. Nakon zahtjevnog razgovora, skupa sa preostalih 12 ozbiljnih kandidata iz cijelog svijeta, primljen je na program obuke u korištenju SRHVP (Sai Ram mašinicica za potenciranje lijekova).

Prije nego što je dobio certifikat praktičara Vibrionike, praktičar je prošao obuku u drugim oblicima



alternativnog liječenja kao što su reiki, magnetna terapija, naturopatija, biljni lijekovi te je stekao zvanje doktora alternativne medicine. Nakon što je nekoliko mjeseci prakticirao Vibrioniku, sinulo mu je da ne može postojati bolji oblik liječenja od onog kojeg je blagoslovio Gospod sâm. Osjetio je da bi Božija volja za njega mogla biti da služi putem Vibrionike prije nego da obavlja ličnu *sadhanu* u samoći. Za vrijeme sljedeće posjete *ashramu* Swami je s osmijehom prihvatio njegovo pismo u kojem Ga je praktičar molio za blagoslov da se u potpunosti posveti Vibrionici. Od tog trenutka nadalje, praktičar se cijelim srcem i dušom posvetio ovom obliku seve, a Gopod ga je zauzvrat nagradio obiljem pacijenata.

Kako je bio preplavljen pacijentima te često bio primoran jednu te istu kombinaciju praviti za veliki broj ljudi, uz SRHVP mu je za to trebalo mnogo vremena. Zbog toga je nadošao na originalnu ideju da napravi

remedije za česta oboljenja u bočicama od 10 ml s kapaljkom. Kako je tretirao cijeli niz učestalih problema, vrlo brzo se broj bočica povećao. Tako da mu je njegov majstor napravio prvu kutiju s uobičajenim kombinacijama (vidjeti sliku) koja je bila duplo veća od današnje 108CC kutije!

Godine 2008., potaknut snažnom unutarnjom potrebom da Swamijeve iscjeljujuće vibracije proširi na druge dijelove Kerale, praktičar se obratio nacionalnom koordinatorskom medicinskom povjerenstvu zaduženom za Sai bolnicu u Kerali. Nakon nešto početnog otpora, dobio je odobrenje da drži mjesečne vibrioničke kampove u bolnici – što je bio značajan korak za Vibrioniku!

Godine 2010. organizirao je prvu AVP radionicu u Kerali za kojom su uslijedile ostale. Tako Kerala danas ima posvećeni tim od preko sto praktičara koji entuzijazam održavaju zahvaljujući svojim izuzetno pozitivnim rezultatima. S vremena na vrijeme se suočava s tim da neki praktičari odlaze na plaćene programe obuke u drugim oblicima alternativnog liječenja. On smatra da je takva nepostojanost posljedica nedostatka lične *sadhane* u svakodnevnom životu. Zbog toga za pacijente i praktičare drži besplatne časove o jogi i ulozi duhovnosti u održavanju zdravlja.

Pod vodstvom ovog praktičara vibrionički tim Kerale je izradio nacрте za brojne programe na polju preventivnog i terapijskog liječenja. Naprimjer, kreirali su poseban paket vibro lijekova za različite sekcije žrtava Endosulfana u području Kasaragod. U želji da uradi mnogo više za Vibrioniku, praktičar je pokrenuo tri centra Vibrionike koja rade svaki dan. Također je tri godine bio urednik mjesečnog vibrioničkog glasnika u Kerali.

Ovaj praktičar je tretirao mnoštvo pacijenata koji su patili od različitih vrsta bolesti kao što su neplodnost, ovisnost o alkoholu, problemi sa štitnjačom, miom maternice, ciste, sindrom policističnih jajnika, leukoreja, menstrualni problemi, perut, alopecija, migrene, problemi s prostatom, psihijatrijski poremećaji, hemoroidi, alergija, astma, sinusitis, smrznuto rame, artritis, opekotine od sunca i rak. Također je mnogo eksperimentirao na biljkama. Otkrio je da davanje **CC1.2 Plant tonic** biljkama u ranom uzrastu proizvodi izuzetno povoljne rezultate. Kad se isti lijek primijeni na mlade izdanke (stare jednu ili dvije sedmice), rezultati su fantastični.

Uprkos fizičkim nedostacima koji dolaze s godinama, praktičar nastavlja širiti Swamijeve iscjeljujuće vibracije potrebitima u udaljenim dijelovima Kerale, dok i dalje služi kao aktivni dužnosnik u Sai organizaciji. Nadahnua je mlađe praktičare, uključujući članove svoje porodice, da preuzmu vodeće uloge u Vibrionici. Pozdravljamo posvećenost ovog praktičara misiji Vibrionike i molimo se da ova priča o izvanrednom služenju postane snažno nadahnuće svim praktičarima!

#### Slučajevi za podijeliti:

- [Rak grla](#)
- [Poteškoće s učenjem](#)

+++++

**Praktičarka** <sup>10602 ...India</sup> je učiteljica koja se u mirovinu povukla 2009. U Swamijevo okrilje došla je 1995. i



odmah se s entuzijazmom uključila u sve sfere Sai služenja, tj. *bal vikas*, pjevanje *bhajana*, podučavanje *Veda* i meditacije na Svjetlost. Aktivna je članica *seva dal* ogranka te volontira u projektu *Vidya Vahini*. Ona je jedina iz Maharashtre 2012. godine izabrana da studira za diplomu u oblasti Ljudskih vrijednosti u obrazovanju te je za to nagrađena i zlatnom medaljom.

Od djetinjstva je gajila strast prema služenju. Kao desetogodišnja djevojčica pomagala je svom ocu koji je bio *siddha-ayurveda-unani* liječnik. Godine 2008., u odrasloj dobi, dobila je vibro lijekove za tešku prehladu i kašalj i potpuno se oporavila za samo dva dana. Impresionirana ovim iskustvom uskoro se upisala na obuku. Sa snažnom željom da postane Swamijev instrument u ublažavanju patnje brojnim bolesnim u svojoj okolini, završila je obuku 2009. u Mumbaiju. U

narednih pet godina je aktivno učestvovala u vibrioničkim kampovima koji su bili organizirani tri puta sedmično.

Nakon što je 2014. preselila u Chennai, počela je tretirati ljude kod kuće i njihov broj se postepeno počeo povećavati. Ljudi joj prilaze kad vide druge kako se oporavljaju uz pomoć Vibrionike. Dok učestvuje u redovnim programima Sai seve, slobodno vrijeme koristi da među poklonicima proširi svijest o Vibrionici. Uporedo s drugim praktičarima, u obližnjem gusto naseljenom području, svake druge sedmice organizira kampove.



Praktičarka blista dok priča kako joj je Swami podario dragocjenu priliku da služi putem Vibrionike. Veliko joj zadovoljstvo pruža to što kad ljudi dođu i podijele svoje probleme s njom, ima priliku dati im lijekove koje je blagoslovio sâm Swami. Njenoj radosti nema granica kad vidi kako se pacijenti brzo oporavljaju.

Uspješno je tretirala brojne akutne i hronične slučajeve. Naprimjer, gospodin (63) koji je imao cirozu jetre liječio se alopatskim putem, bez uspjeha. Dobio je sljedeću kombinaciju i oporavio se za samo tri mjeseca uzimanja samo vibro lijeka:

**CC4.1 Digestion tonic + CC4.2 Liver & Gallbladder tonic + CC4.10 Indigestion + CC4.11 Liver & Spleen + CC9.2 Infections acute + CC12.1 Adult tonic + CC13.1 Kidney & Bladder tonic + CC15.1 Mental & Emotional tonic**

U drugom slučaju, žena (68) koja je sedam godina patila od akutnih bolova u kostima i mišićima i nije osjetila nikakvo olakšanje od alopatskih lijekova, za osam sedmica potpuno se izliječila uz pomoć sljedeće dvije kombinacije:

**#1. CC12.1 Adult tonic + CC15.1 Mental & Emotional tonic**

**#2. CC3.7 Circulation + CC18.5 Neuralgia + CC20.1 SMJ tonic + CC20.2 SMJ pain + CC20.3 Arthritis + CC20.4 Muscles & Supportive tissue**

Ona često s velikim uspjehom koristi sljedeće kombinacije koje su također napravljene od 108 uobičajenih kombinacija:

1. **CC12.1 Adult tonic + CC15.2 Psychiatric disorders + CC17.3 Brain & Memory tonic** je učinio čuda za pacijente koji su patili od depresije, anksioznosti ili frustracije.
2. **CC4.2 Liver & Gallbladder tonic**, kad ga je dodala u lijekove za kožu proizveo je brže rezultate.
3. **CC19.6 Cough chronic + CC19.7 Throat chronic** je pomogao brojnim vodećim vokalima u njenoj blizini da grlo održe čistim i nepromuklim.

Praksa joj je pomogla na mnogo načina. S vremenom je stekla više suosjećanja prema pacijentima. Osjeća da joj Swami šalje pacijente s različitim problemima kako bi kušao njezinu sposobnost da se poveže s njima i razumije njihove probleme. Njene intuitivne sposobnosti su vremenom ojačale, a ona uvijek moli za vodstvo prije nego što propiše lijek. Njeno vibrioničko putovanje je ispunjeno stalnim učenjem. Osjeća da je Saijeva ljubav prati na svakom koraku, što čini da Ga osjeća bližim sa svakim novim danom.

#### Slučajevi za podijeliti:

- [Osteonekroza rebara](#)
- [Hronični bol u trbuhu](#)

+++++  
**Praktičar** <sup>11576...India</sup> je služio čovječanstvu na mnogo načina; bio je član mornaričko-avijacijske službe u



Indijskoj armiji uključujući i strateške snage. Nakon što se povukao iz svoje impresivne i nagrađivane vojne karijere, nastavio je obrazovanje na nekoliko renomiranih univerziteta u SAD-u i Indiji. Osjećajući zabrinutost za potrebite, odlučio je posvetiti se službenju i poboljšanju statusa nepriviligovanih članova društva. Nedavno je završio stipendiju u New Yorku u oblasti Korporativne društvene odgovornosti, istražujući i promičući humanitarne, društveno relevantne projekte za korporativni sektor širom svijeta. Uključio se u altruistične projekte, posjećivao lokalna sela, prethodno svladavši brojne alternativne načine liječenja: Sai Sanjeevini, naturopatija, reiki, liječenje *pranom*, theta iscjeljivanje, NLP, rekonekcija, akupresura, Sujok, hiponoterapija i terapija zvukom. Godine 2015. odlučio je da pohađa obuku Sai Vibrionike u Puttapparthiju te je u novembru stekao zvanje AVP praktičara, a vrlo brzo nakon toga, u maju 2016, promaknut je u VP praktičara.

Osjeća se blagoslovljenim što je u proteklih godinu dana organizirao i učestvovao u kampovima zdravlja koji su se održavali jednom mjesečno. Mjesečni vibrionički sastanci u Kochiju pružaju mu priliku da uči i dijeli svoja iskustva sa drugima. Zahvaljujući poslu puno putuje po cijelom svijetu i uvijek sa sobom nosi vibrionički komplet da služi kad god i gdje god se za tim ukaže potreba. Ima brojne pacijente koji žive daleko i sretan je kad ima priliku pripremiti im lijekove i poslati ih poštom. Preporučuje svim pacijentima da lijekove uzimaju u vodi kao glavnom prenosniku vibracija. Sretan je kad vidi ohrabrujuće rezultate liječenja biljaka i životinja vibrioničkim putem.

Uspješno je tretirao brojne slučajeve mentalnih problema. Nalazi da **CC15.2 Psychiatric disorders** ne može omanuti kod ljudi koje pogađa psihološka slabost ili bilo koji oblik anksioznosti ili stresa, te da lijek



daje trenutačne i izvrsne rezultate. Navodi slučaj 23-godišnjeg inženjera koji je patio od napada panike, teške depresije, niskog nivoa samopouzdanja i sjete u protekle tri godine. Bio je i sklon svim vrstama nezgoda. Mladić je odbio svaku vrstu psihijatrijske pomoći, ali je pristao da uzima vibrioničke lijekove. 5. augusta 2016. praktičar mu je propisao:

**CC12.1 Adult tonic + CC15.2 Psychiatric disorders + CC17.2 Cleansing + CC17.3 Brain & Memory tonic...QDS** u vodi.

Nakon tri dana, otac je uočio 25% poboljšanja u njegovom ponašanju, a u roku od sedam dana bilo je očito da je dječak povratio volju za životom te je počeo odlaziti na razgovore za posao. Doziranje je nakon tri sedmice smanjeno na **OD**, a zatim nakon sedam sedmica na **OW**, prije nego što je prestao uzimati lijek nakon mjesec dana. Od aprila 2017. mladić se osjeća odlično. Osiguravši dobar posao, danas uživa svoj život u Kanadi.

Praktičar potiče samoispitivanje kako bismo otkrili i iskoristili unutrašnje iscjeliteljske moći koje posjeduje svako od nas, podcrtavajući duhovnu prirodu svakog iscjeljenja. On naglašava važnost discipline u uzimanju propisane doze i podsjeća pacijente da lijekove uzimaju s molitvom i vjerom.

U nastojanju da 'voli sve i služi svima', praksa Vibrionike u njemu podstiče prekrasna osjećanja božanskosti. To je glavni razlog zbog kojeg je, nakon što je uronio u Sai Vibrioniku, prestao prakticirati sve druge vrste liječenja. Sretan je što otkriva da mu se uz ovu *sevu* um polako rastače tako da sve više i više, sve ono što razlikuje – događaj, osobu, mjesto ili stvar, u njemu sve manje pobuđuje osudu ili pristrasnost. Smatra da mu je to najviši cilj u životu – postići istinsku stalozhenost u svim okolnostima – te da je vibrionička *seva* istinski koristan oblik *sadhane* na tom putu.

### Slučajevi za podijeliti:

- [Dijabetes](#)
- [Hipotireoza](#)

## ☞ Kutak za odgovore ☞

*1. Pitanje: Pacijentkinja mi je rekla da je samo to što je držala bočicu s lijekom u džepu na grudima uveliko olakšalo njezin simptom. Postoje li neka saznanja o vezi s tim?*

*Odgovor:* Da, neki su pacijenti izvijestili da im je držanje bočice u blizini tijela pružilo gotovo isto olakšanje kao i uzimanje lijeka oralnim putem. To se dešava kod osoba koje su vrlo osjetljive na ove suptilne vibracije te mogu apsorbirati energije već samim tim što se nalaze u njihovoj blizini. Dakle, taj efekat je krajnje individualan i ovisi isključivo o primatelju.

*2. Pitanje: Moja pacijentkinja već dugi niz godina pati od empijema. Propisala sam joj **CC15.1 Mental & Emotional tonic + CC19.5 Sinusitis**, ali čini se da to ne pomaže. Šta vi predlažete?*

*Odgovor:* Empijem je nakupina upalne tekućine u nekoj tjelesnoj šupljini, najčešće plućima. Preporučujemo **CC19.3 Chest infection chronic + CC19.6 Cough chronic** te, ukoliko je potrebno, **CC15.1 Mental & Emotional tonic**. Ako je u pitanju hronični slučaj, možda će trebati više vremena da dođe do izlječenja. Također, od suštinske su važnosti odgovarajuće promjene u načinu života, naročito kad je u pitanju ishrana te smanjenje količine hrane u večernjim satima.

*3. Pitanje: Držala sam nekoliko bočica s lijekovima zajedno sa svojom 108CC kutijom u jednoj metalnoj kutiji smatrajući da su te kutije, koje obično nalazimo u marketima, od aluminija. Nedavno sam otkrila da i one privlače magnete. Postoji li neko uputstvo da ne smijemo držati lijekove unutar ili u blizini metalnih posuda?*

*Odgovor:* Generalno ne očekujemo da će lijekovi u plastičnim bočicama biti pod utjecajem metalne kutije. Isto tako, očekujemo da je u redu držati komplet s kombinacijama (108CC) unutar jedne takve kutije. Naravno da ne možemo globulice s lijekom držati u neposrednom dodiru s metalnom kutijom. Međutim, biće mudro da svoju mašinicu za potenciranje lijekova držite podalje od metalnih kutija.

*4. Pitanje: Mogu li vibracije u vozilu koje se kreće, auto ili voz, uticati na lijekove? Da li putovanje avionom može uticati na vibro lijek?*

*Odgovor:* Mehaničke vibracije u vozilu koje se kreće, bili to auto/voz/avion, ne bi trebale uticati na vibro lijek. Međutim, elektromagnetska zračenja koja dolaze u avion su nešto drugo jer radijacija može neutralizirati iscjeljujuće vibracije u lijekovima. U svaku od 108CC bočica je već utisnuta određena količina

zaštite zbog toga što su u svaki lijek dodati antiradijacijski lijekovi. Neki praktičari preferiraju da zaštite svoje lijekove i 108CC kutiju tako što ih pažljivo obmotaju kvalitetnom aluminijskom folijom. Međutim, kako na foliji može doći do pukotina, pazite da je ne koristite više puta.

+++++

**5. Pitanje: Imate li neki savjet koji bi praktičarima pomogao da održe motivaciju da se bave vibro služenjem?**


**Odgovor:** Uprkos svim preprekama ili poteškoćama, osjećaj osobnog duhovnog rasta koji se postiže putem služenja ili bilo koje druge duhovne prakse je pokretačka sila sama po sebi. Općenito, već sama činjenica da služe putem Vibrionike, istinski ozbiljne i posvećene praktičare opskrbljuje s dovoljno energije da nastave dalje. Međutim, postoje i okolnosti zbog kojih praktičari gube motivaciju.

Znamo da se novi praktičari ponekad osjećaju izoliranima, zbog čega njihov početni entuzijizam biva prigušen. Stoga smo, kako bismo adresirali taj problem, poduzeli cijeli niz koraka. Prema novom mentorskom programu, praktičar početnik dobiva mentora koji mu pruža jedan-na-jedan podršku. I stariji praktičari koji se ne osjećaju sigurnima u svoju praksu također su dobrodošli. Naše insistiranje na sastancima lokalnih praktičara i konferencijskim pozivima ne samo da pomaže održavanju kontakta s drugima, već i u uklanjanju sumnji i nedoumica kod učesnika. Pišite nam na [healerInfo@vibrionics.org](mailto:healerInfo@vibrionics.org) kako biste dobili kontakt podatke drugih praktičara u vašoj oblasti. Na taj način ćete moći održavati redovnu komunikaciju sa praktičarima u vašoj blizini. Praktičari iz SAD i Kanade mogu kontaktirati koordinatoricu direktno na [healerInfo@us.vibrionics.org](mailto:healerInfo@us.vibrionics.org).

Kad praktičari ne vide rezultate koje očekuju ili počnu tretirati kompleksne slučajeve za koje im nedostaje samopouzdanje (što je ponekad i posljedica nedostatka znanja), tim na [comboQueries@vibrionics.org](mailto:comboQueries@vibrionics.org) je uvijek spreman da vam pruži koristan savjet.

Često čujemo kako neki praktičari naprosto nemaju dovoljno pacijenata. U takvim slučajevima savjetujemo im da tretiraju biljke i životinje. Telefonske ili Skype konzultacije te slanje lijekova poštom mogu pomoći u privlačenju većeg broja pacijenata.

Iznad svega, kako bismo ostali usredsređeni na služenje putem Vibrionike, najvažnije je da se držimo naših ostalih duhovnih aktivnosti kao što su meditacija, *japa*, *bhajan*, *mantranje*, prisustvovanje *satsangu* i studijskom kružoku te proučavanje duhovne literature.



## ☪Božanske riječi Vrhunskog Iscjelitelja☪

***“Shvatite da život ne može opstati dugo ukoliko drugi ne služe vama i ukoliko vi ne služite drugima. Gospodar-sluga, vladar-podređeni, guru-učenik, poslodavac-uposlenik, roditelji-djeca, svi su ovi odnosi uslovljeni uzajamnim služenjem. Svaka osoba je sevak (onaj koji služi). Seljak i radnik kojima služite, svojim trudom proizvode vašu hranu i odjeću kao čin služenja vama. Sjetite se da vam je tijelo sa kompleksom, kojeg čine osjetila, um i mozak, dato kako biste pomagali onima kojima je pomoć potrebna. Seva je najviši put bogoštovlja, put koji osvaja Milost Božiju.”***

**...Sathya Sai Baba, “Sprema za služenje”, 21. novembar 1986**  
<http://www.sssbpt.info/ssspeaks/volume19/sss19-25.pdf>

+++++

***“Veliki dio vode koji unosimo u sebe izbacujemo putem mokraćne. Mali dio te vode postaje životna sila. Stoga, vrsta hrane i vode koje unosimo određuju naš karakter. Samo kada imamo nadzor nad kvalitetom hrane i vode koje unosimo u sebe možemo doseći božanskost. Zato se kaže da je hrana Bog. Bacanje hrane jednako je traćenju Boga. Nemojte bacati hranu. Jedite samo onoliko koliko trebate i pobrinite se da ono što pojedete bude satvično. Svaki višak hrane podarite gladnima.”***

**...Sathya Sai Baba, “Učenja Bhagavana Sri Sathya Sai Babe – 1. dio”**  
<http://www.sathyasai.org/publications/TeachingsOfBSSSB-Vo101.html>

## Obavještenja

- ❖ **Francuska Dordogne:** Seminar obnavljanja znanja i AVP radionica 3-4. juni 2017, kontaktirati Danielle na [trainer1@fr.vibrionics.org](mailto:trainer1@fr.vibrionics.org)
- ❖ **Indija Puttaparthi:** AVP radionica 10-14. juli 2017, kontaktirati Lalithu na [elay54@yahoo.com](mailto:elay54@yahoo.com) ili telefonom na: 850 067 6092
- ❖ **Indija Puttaparthi:** AVP radionica 18-22. novembar 2017, kontaktirati Lalithu na [elay54@yahoo.com](mailto:elay54@yahoo.com) ili telefonom na: 850 067 6092
- ❖ **Indija Puttaparthi:** SVP radionica 24-28. novembar 2017, kontaktirati Hem na [99sairam@vibrionics.org](mailto:99sairam@vibrionics.org)

\*\*\*\*\*

## Dodatak

### 1. Savjeti za zdravlje

#### Voda i zdravlje, 3. dio – Čista energizirana voda, prirodni put!

Već smo vidjeli<sup>1</sup> da se naša tijela sastoje uglavnom od vode koja posjeduje ogromno pamćenje. Svakodnevno bimo trebali uzimati odgovarajuću količinu vode, lagano, mirno i s ljubavlju, kako bismo se održali hidriranim, energiziranim i slobodnim od bolesti. Stoga, kako bismo očuvali našu vitalnu energiju, naša voda za piće treba biti kvalitetna.

**Globalno smanjenje izvora pitke vode!** Procjenjuje se da 1/5 svjetske populacije živi u područjima s neadekvatnom opskrbljenošću, a da se oko 1/4 populacije suočava s nestašicom čiste vode<sup>2</sup>. Čak i tamo gdje postoje izvori vode, ona možda nije pitka ili se ne nalazi u blizini onih kojima je potrebna<sup>3</sup>. Destilovana voda lišena je minerala i ne preporučuje se za piće jer može naškoditi zdravlju<sup>4</sup>. Flaširane mineralne i pročišćene vode možda nas oslobađaju fizičkih zagađivača, ali često pate od nedostatka životne sile i možda nam neće moći utažiti žeđ. Pogledajmo neke jednostavne načine na koje možemo doći do čiste vode i energizirati je, a samim tim i same sebe!

#### 1. Metal kao pročišćivač

Držanje vode u bakrenim i srebrenim posudama u svrhu pročišćenja spominje se još u drevnim ayurvedskim tekstovima<sup>5</sup>. Danas se na tom polju rade intenzivna istraživanja, te imamo mnogo informacija o praktičnoj upotrebi srebra i bakra u oblasti hrane i higijene, dezinfekcije vode i zraka, liječenja rana i sanitacije površina<sup>3</sup>.

#### 2. Voda iz bakrenih posuda – neka istraživanja<sup>5-7</sup>

Istraživanje američkog Nacionalnog instituta za zdravlje pokazalo je da bakrena posuda pročišćava vodu zagađenu mikrobima. Nedavno je američka Agencija za okoliš registrovala bakar kao jedini čvrsti površinski materijal koji ubija bakterije koje mogu predstavljati prijetnju ljudskom zdravlju. Pokazalo se da je sadržaj bakra u vodi pohranjenoj u bakrenim posudama mnogo manji od dozvoljene granice (2 mg/l) koju je odredila Svjetska zdravstvena organizacija (WHO). Prema istraživanjima WHO-a, razina bakra iznad 2.5 mg/l vodi daje nepoželjan gorak ukus, a u slučaju veće zasićenosti može doći do promjene boje vode.

#### 3. Voda iz bakrenih posuda - eliksir!<sup>8-13</sup>

Prema tradicionalnoj mudrosti, voda koja se drži u bakrenoj posudi najmanje četiri sata, ali još bolje prekonoći, postiže određenu kvalitetu koja je jako povoljna za zdravlje i energiju općenito a za jetru posebno. Bakar jonizira, energizira i balansira pH vrijednost (nivo kiselosti) vode čineći je živom. Ova voda je prirodni antioksidant; ćelije je lako apsorbiraju što povećava hidriranost organizma.

Jedna ili dvije čaše 'bakrene' vode na prazan stomak ujutro imaju detoksificirajući učinak na tijelo.

*Ayurveda* tvrdi da ova voda ima sposobnost da balansira sve tri *doshe* – *vatu*, *pittu* i *kaphu*, temeljne tjelesne kvalitete. Ona ne samo da ubija štetne bakterije i ublažava gastrointestinalne poremećaje, već i smanjuje upalu želuca, liječi ulcere, poremećaje disanja i artritis te tonira srce, mišiće i tkiva.

#### 4. Pijte vodu mudrosti iz bakrenih posuda<sup>6,12,13</sup>

Dovoljno je, u sklopu ukupnog dnevnog unosa vode, popiti 'bakrenu' vodu jednom u rano jutro i jednom uveče kako bismo dobili odgovarajuću količinu bakra potrebnu tijelu (oko 1.2 mg dnevno). Trebali bismo piti ovu vodu tri mjeseca, a zatim prestati mjesec dana kako bismo se oslobodili eventualnog viška bakra u tijelu. Ovaj ciklus možemo ponavljati do kraja života kako bismo polučili najveću dobrobit za zdravlje.

*Ayurveda* ne savjetuje uzimanje vode ili hrane u stojećem položaju. Preporučuje da uvijek pijemo mlaku vodu. Hladna voda zahtijeva veći dotok krvi u probavni sistem kako bi se zagrijala do temperature tijela. Tako dolazi do smanjivanja opskrbe mozga i srca što može biti pogubno za zdravlje.

#### 5. Voda iz srebrenih posuda<sup>12,14-16</sup>

Istraživanje djelovanja vode iz srebrenih posuda na crijevne bakterijske patogene pokazalo je da srebro posjeduje posebnu sposobnost dezinficiranja vode. Prema riječima stručnjaka, niti jedan ikad testirani mikroorganizam izložen koloidnom srebru nije uspio preživjeti duže od šest minuta. NASA je usvojila ruski metod pročišćavanja vode uz pomoć joniziranog srebra koji nije samo lakši, već je i djelotvorniji i brži od postojećeg.

Prema *Ayurvedi*, voda iz srebrenih posuda hladi tijelo, reguliše *pitta doshu*, jača imuni sistem i može se piti svaki dan.

#### 6. Voda iz mesinganih posuda<sup>17-18</sup>

Neka istraživanja mikrobiologa iz Velike Britanije pokazuju da voda iz mesinganih posuda sprječava bolesti uzrokovane vodom jer je vjerovatnost razmnožavanja bakterija u takvim posudama manja. Kako mesing predstavlja leguru bakra (70%) i cinka (30%), vodu pročišćavaju joni bakra. Bolesti koje se prenose vodom, rasprostranjene u zemljama u razvoju, mogle bi se izbjeći kad bi se ljudi vratili tradicionalnoj mudrosti pohranjivanja vode za piće u mesinganim posudama.

#### 7. Blago čišćenje metalnih posuda<sup>19-20</sup>

Bakrene, mesingane i srebrene posude treba čistiti svaki dan tako što ćete ih nježno protrljati limunom, limovinom sokom sa ili bez soli, ili pastom od tamarinda. Nakon pola minute treba ih saprati čistom vodom. Ove posude ne treba grubo ribati. Postoje i druge metode.

#### 8. Voda iz glinenih posuda<sup>12,13,15,21-22</sup>

Hladna voda iz čistih glinenih posuda, osim zdravstvenih dobrobiti, ima i osvježavajući zemljani ukus te više godi na ljetnim temperaturama. Glinene posude ne samo da, zahvaljujući efektu isparavanja, vodu hlade te je na ekstremnim vrućinama približavaju temperaturi tijela, već, budući da sadrže elemente zemlje, posjeduju i moć prirodnog iscjeljenja. To je jedinstvena karakteristika ovih poroznih posuda. Prirodna glina, po prirodi lužnata, u interakciji s kiselošću vode dovodi do odgovarajuće pH vrijednosti. Na taj način 'glinena' voda smanjuje kiselost te pomaže kod želučanih problema. Za razliku od vode iz frižidera, voda iz glinene posude je blaga prema grlu. Možemo je zagrijati, posebno ako je pijemo na prazan stomak u rano jutro. Glinene posude su lako dostupne i jedino što je potrebno za njihovo održavanje jeste blago ih oprati četkom bez sapuna, jednom u dva dana. Ako ne možete doći do glinenih posuda, bolje je koristiti posude od nehrđajućeg čelika (umjesto plastičnih).

#### 9. Voda izložena sunčevoj svjetlosti<sup>13,23-26</sup>

Izloženost suncu povećava kvalitet vode. Prema nekim eksperimentima, voda koja se drži u kobaltno plavim staklenim bocama, ili je izložena direktnoj sunčevoj svjetlosti 20 minuta, ili vještačkoj svjetlosti sat vremena, uklanja sve bakterije i viruse. Nakon toga je možemo dobro protresti kako bismo je energizirali. Bocu treba zatvoriti čepom od nemetalnog materijala kako bismo je zaštitili od prašine i drugih čestica. Možete prema uputstvima iz dole navedenih linkova istraživati i eksperimentirati s proizvodnjom vode energizirane sunčevom energijom u staklenim bocama.

#### 10. Obnavljanje vode iz slavine<sup>8,27</sup>

Voda iz slavine prolazi kroz brojne tretmane i procese pročišćenja prije nego što dopiše do naših domova i sadrži prirodne minerale. Ali dok doputuje do nas putem olovni ili plastičnih cijevi, kroz brojne krivine i zavoje, ta voda apsorbira brojne negativnosti a njena molekularna struktura biva poremećena. U tropskim zemljama, kao što je Indija, usput može pokupiti i štetne bakterije. Iako voda posjeduje pamćenje koje zadržava otisak tih nečistoća, u isto vrijeme ona posjeduje i sposobnost da se vrati u prvobitno stanje. Ako vodu iz slavine ostavimo netaknutu samo sat vremena, negativnosti će se poništiti same od sebe. Držanje vode u otvorenom bokalu 24 sata (ili kuhanje od 20 minuta) pomaže isparavanju rastvorenog hlora i vodu čini ukusnijom. Vodu iz slavine možemo prokuhati i ohladiti ili pročistiti pomoću filtera i usuti u odgovarajuću posudu.

#### 11. Važan je i oblik posude<sup>12,28</sup>

Posuda u kojoj držimo vodu za piće idealno bi trebala biti okrugla ili elipsoidna jer je u tom slučaju površinska napetost manja. Osim toga, ovi oblici stvaraju vlastiti vrtlog (vorteks) koji podržava unutarnje kontinuirano energetsko kretanje, što omogućava vodi, ili bilo kojoj drugoj tekućini, da održe vitalnu energiju.



## 12. Strukturirana voda!<sup>26,28-30</sup>

Ustajala se voda može pokvariti i pokupiti nepoželjne energije. Voda koja prirodno teče u spiralnom toku razvija slojeve zaštite i nju nazivamo strukturirana. Istraživanja pokazuju da je voda iz Gangesa prirodno strukturirana i da nosi pečat strukturirane vode koju nalazimo u ćelijama.

*Energiziranje i strukturiranje vode.* Na internetu možete naći različite načine za strukturiranje vode, koji variraju od jednostavnijih ka složenijim. U dodatku A5 Vibrioničkog priručnika za više praktičare (SVP) nalazi se jedan od metoda. Jedno istraživanje je pokazalo da je obično miješanje vode kašikom povećalo energiju vode bolje nego naprave za strukturiranje. Kako biste stvorili vrtlog, možete nekoliko minuta miješati vodu u smjeru kazaljke na satu i obratno. Ono što je važno jeste svjesno 'povezivanje' s vodom, a ne brzina miješanja. Možete je dalje energizirati tako što ćete je miješati u obliku broja '8' ili u obliku simbola vječnosti  $\infty$  koji predstavlja geometrijsku reprezentaciju beskonačne i vječne prirode energije. Ovaj će proces očistiti vodu od svih nepoželjnih sjećanja na eventualne zagađivače/energije te je učiniti prijemčivom samo za blagotvorne energije iz beskrajnog kosmosa.

Dalje se ispostavilo da je energiziranje vode pomoću zvuka na 432Hz imalo najjači učinak i da se pokazalo kao najbolji način strukturiranja vode. Ova studija tvrdi da ako zvuk ima tako snažan efekat na povećanje energije vode, iscjeljujući zvuci bi trebali imati jednako snažan učinak na ljude čija se tijela sastoje uglavnom od vode<sup>30</sup>.

## 13. Korištenje Vibrionike za pročišćenje i energiziranje vode

Kako biste iz vode uklonili nečistoće, uključujući hemikalije, traumu i negativne enegije, možete primijeniti sljedeće remedije:

**CC10.1 Emergencies**, **CC15.1 Mental & Emotional tonic** ili **CC17.2 Cleansing** ako koristite 108CC kutiju

**NM6 Calming**, **NM25 Shock**, **SM1 Removal of Entities**, **SM14 Chemical Poison** ili **SM16 Cleansing** ako koristite spravu za potenciranje

Kako biste energizirali vodu za pojačanje imuniteta, možete upotrijebiti:

**CC12.1 Adult tonic** iz 108CC kutije ili **SM2 Divine Protection**, **NM86 Immunity**, ili **SM26 Immunity** kod sprave za potenciranje

**Napomena: Za sve vibro lijekove treba koristiti samo posude od nemetalnih materijala.**

## 14. Energiziranje vode na Sai način – ljubav i *mantra*!

Možemo pročitati i strukturirati vodu, ne samo onu izvan nas već i onu u našim ćelijama, tako što ćemo neko vrijeme boraviti u tišini i molitvi i svjesno se povezati sa Stvoriteljem i Njegovom kreacijom. Također, gdje god se nalazimo, recitiranjem *mantri* ili boravkom u prostoru koji odjekuje iscjeljujućim vibracijama možemo svjesno prenijeti iscjeljujuće zvuke na vodu. Voda unutar naših ćelija je od apsolutno suštinske važnosti za naše zdravlje i treba je poštovati i održavati sa svom ljubavlju koju imamo; to će proširiti vibracije ljubavi oko nas.

Sri Sathya Sai Baba je s velikom ljubavlju milionima ljudi u Južnoj Indiji, prema standardima Svjetske zdravstvene organizacije, obezbijedio čistu pitku vodu. U skladu s principom "Voli sve, služi svima" izgradnja ovih postrojenja se nastavlja kako bi se opskrbile još stotine sela. U ovim selima problemi bolova u zglobovlu i drugim dijelovima tijela su doslovno nestali, a prehlada i drugi problemi su značajno smanjili. Projekat se postepeno širi kako bi u konačnici pokrio cijelu zemlju<sup>2</sup>.

### Reference i linkovi

1. Sai Vibrionički Glasnik, svezak 8, broj 2
2. <http://sailoveinaction.org/project/DRINKING-WATER-DEFLUORINATION>
3. [http://www.academicjournals.org/article/article1380626432\\_Varkey.pdf](http://www.academicjournals.org/article/article1380626432_Varkey.pdf)
4. [http://www.mercola.com/article/water/distilled\\_water.htm](http://www.mercola.com/article/water/distilled_water.htm)
5. <https://www.ncbi.nlm.nih.gov/pmc/articles/PMC3312355/>
6. <http://www.wholesomeayurveda.com/2017/02/27/correct-way-to-drink-water-copper-vessels-health-benefits/>
7. [http://www.who.int/water\\_sanitation\\_health/dwg/chemicals/copper.pdf](http://www.who.int/water_sanitation_health/dwg/chemicals/copper.pdf)
8. <http://isha.sadhguru.org/blog/lifestyle/health-fitness/treat-yourself-to-a-copper-detox/>
9. <http://www.dailyayurveda.com/blog/5-amazing-health-benefits-of-drinking-water-out-of-a-copper-vessel>
10. <http://www.thehealthsite.com/diseases-conditions/10-benefits-of-drinking-water-from-a-copper-vessel-p214/>

11. <https://www.vasantihealth.com/copper/>
12. [https://www.mygov.in/sites/default/files/user\\_comments/Health\\_Tips\\_latest%20pdf.pdf](https://www.mygov.in/sites/default/files/user_comments/Health_Tips_latest%20pdf.pdf)
13. <http://naturalwaysofliving.blogspot.in/2010/04/which-water-is-best-for-drinking.html>
14. <https://www.ncbi.nlm.nih.gov/pubmed/25145073>
15. <https://www.quora.com/What-difference-does-it-make-if-I-drink-water-stored-in-a-stainless-steel-silver-copper-clay-or-glass-jug>
16. <http://www.space.news/2016-06-06-nasa-open-to-using-silver-treated-water-in-space-despite-fda-opposition.html>
17. <http://www.nature.com/news/2005/050404/full/news050404-14.html>
18. <http://globalvarnasramamission.blogspot.in/2014/05/use-of-copper-and-brass-way-to-good.html>
19. <https://anubhavati.wordpress.com/2010/09/28/5-minutes-to-sparkle-your-silverware-and-keeping-them-that-way/>
20. <http://www.boldsky.com/home-n-garden/improvement/2013/tamarind-uses-cleaning-032137.html>
21. <https://vaishali2013.blogspot.in/2016/02/healing-power-of-clay-pot-water.html>
22. <http://www.thehealthsite.com/diseases-conditions/health-benefits-of-water-matka-clay-pot-k0417/>
23. <http://www.instructables.com/id/Miraculous-Solar-Charged-Water/>
24. <http://www.robinskey.com/blue-solar-water/>
25. <https://hubpages.com/health/Health-Benefits-Of-Water-Blue-Water>
26. Vibrionički priručnik za više praktičare Vibrionike (SVP), Dodatak A-5
27. [http://cci-coral-club.okis.ru/file/cci-coral-club/knigi/FereydoonBatmanghelidj\\_Your\\_Bodys\\_Many\\_Cries\\_for\\_Water\\_eng.pdf](http://cci-coral-club.okis.ru/file/cci-coral-club/knigi/FereydoonBatmanghelidj_Your_Bodys_Many_Cries_for_Water_eng.pdf)
28. [http://www.spiritofmaat.com/feb11/water\\_structuring.pdf](http://www.spiritofmaat.com/feb11/water_structuring.pdf)
29. <http://articles.mercola.com/sites/articles/archive/2011/01/29/dr-pollack-on-structured-water.aspx>
30. <https://www.youtube.com/watch?v=Cm0I9O5E4YM>

## 2. Priznanje našim prevodiocima

Ovaj odjeljak posvećujemo nekim od naših izuzetno posvećenih praktičara koji neumorno prevode glasnik (i druge materijale) sa engleskog na svoje maternje jezike. Molimo se iz dubine srca da osjetite nadahnuće na osnovu ovih primjera nesebičnog i neumornog služenja koji na izuzetan način doprinose širenju Swamijeve misije Vibrionike.



**Praktičarka** <sup>00723...</sup>**Bosnia** (**bosanski/hrvatski/srpski**) prevodi glasnik Sai Vibrionike od samog začetka. I prije nego što je postala praktičarka, počela je prevoditi različite materijale o Vibrionici, kao što su uputstva i priručnici. Smatra to uistinu dragocjenim iskustvom. Zahvaljujući tome naučila je dosta toga o bolestima, ali što je važnije, još i više je naučila o zdravlju. Ona kaže, "Praktičarka sam postala zahvaljujući iskustvu prevođenja, a nadam se da ću kroz ovaj božanski instrument biti u prilici služiti Bhagavanu još i više".

**Praktičarka** <sup>01620...</sup>**France** (**francuski**) je aktivna praktičarka od 2012. Kako je certificirani učitelj Vibrionike, prevela je materijale za prijem na obuku i podučavanje, kao i sve dosadašnje brojeve glasnika. Smatra da joj to što dosta vremena provodi u prevođenju materijala pomaže da bolje upije i cijeni sadržaj u svakom od glasnika. Osim toga, svaki put kada prevodi glasnik osjeća se kao da je transportirana u Prashanti Nilayam. Najviše uživa u prevođenju rubrike Profili praktičara. Smatra da joj to pruža dragocjeno društvo kolega, iako u fizičkom odsustvu. Nudi najdublju zahvalnost Swamiju što joj je dao priliku za ovu *sevu*.





**Praktičarka** <sup>02713...Austria</sup> (**njemački**) je aktivna praktičarka od 2006. i prevela je sve glasnike od prvog broja. Nalazi prevođenje zadatkom koji je ispunjava te u isto vrijeme predstavlja izazov. Beskrajno je zahvalna Swamiju što joj je dozvolio da odigra malu ulogu u Njegovoj misiji. Za vrijeme intenzivnog i meditativnog procesa prevođenja osjeća Njegovu prisutnost koja je konstantno s ljubavlju podsjeća, i ne ostavlja prostora sumnji spoznaji, da je On taj koji je konačni Vršilac svakog djelovanja. Njenim riječima: "Svaki glasnik je dokaz Njegove bezuvjetne Ljubavi za cjelokupno čovječstvo. Željela bih završiti jednim od meni najdražih

citata Iscjelitelja nad iscjeliteljima: 'Glava u šumi, ruke u društvu'.

**Praktičarka** <sup>03108...Greece</sup> (**grčki**). Nakon što je u septembru 2013. stekla zvanje AVP praktičarke, svjedočila je brojnim čudima kod svojih pacijenata, članova porodice te kod same sebe. Prije dvije godine, kad je započela s prevođenjem glasnika, otkrila je kako je to vrlo zahtjevan zadatak jer osoba mora biti vrlo precizna kad su bolesti u pitanju, a ponekad treba obaviti i pažljivo istraživanje kako bi se slučaj razumio u cijelosti. Uprkos tome, doživjela je to iskustvo kao pravi blagoslov. Njenim riječima: "Nakon malo prakse osjetite da ste još dublje zaronili u svijet Vibrionike. Ne radi se samo o tome da ste podijelili slučaj s drugima, već i postajete dijelom cijelog procesa. Kada se satima koncentrišete na glasnik, stičete bolje razumijevanje toga kako ovaj čudesni svijet djeluje. I, naravno, to je fantastičan način da naučite još više jer je svaki pacijent slučaj za sebe. Ja koristim iskustva drugih praktičara kako bih unaprijedila vlastitu praksu. Stoga bi moj jedini savjet glasio: "Svaki broj glasnika je jedinstven i treba ga čitati stalno iznova".



**Praktičarka** <sup>01588...Italy</sup> (**italijanski**) obuku završila 2000, uskoro započela s prevođenje Soham knjiga o prirodnom izlječenju, zatim prešla na priručnike Vibrionike i duboko zaronila u Glasnik, počevši s prvim brojem objavljenim u septembru 2010. Njena omiljena rubrika je 'Slučajevi s kombo-preparatima'. Čitanje od nevjerovatnim izlječenjima tako različitih i brojnih bolesti osnažilo je njezinu vjeru i povjerenje u nevjerovatne moći Vrhunskog Iscjelitelja, našeg voljenog Gospoda Sri Sathya Sai Babe. Sinhronizovala je i naš film "Šta je Vibrionika?" na talijanski, što je za nju bilo prosvjetljujuće iskustvo. Kaže: "Iskreno zahvaljujem Swamiju na ovoj prilici i radujem se daljnjem prevođenju u budućnosti".

**Praktičar** <sup>02779...Japan</sup> (**japanski**) prevodi glasnik od prvog broja. Osjeća da je na ličnom planu imao mnogo koristi od prevođenja. Prevođenje mu pomaže u praksi jer povećava njegovo poznavanje tehničkih pojmova te izoštrava njegove vještine prevođenja. Iznad svega, polučio je veliku inspiraciju iz iskustava praktičara, Swamijevih riječi i mentorstva dr. Aggarwala. Kaže: "Vjerujem da je ova seva uistinu božanska milost koja nas obasipa duhovnom energijom i snagom kako bismo mogli neumorno stremiti ka cilju."



**Praktičar** <sup>02150...Poland</sup> (**poljski/ruski**) aktivno prevodi naše vibro materijale na



poljski od 2001. Kada naš ruski **praktičar** <sup>00004...Canada</sup>, koji je prevodio sve glasnike do decembra 2015, nije mogao nastaviti zbog drugih obaveza, on je preuzeo dužnost prevođenja glasnika i na ruski. Nalazi da mu ova seva naročito pomaže da ostane u dodiru s najnovijim otkrićima u Vibrionici, kao i s različitim vibro događajima širom svijeta. Nalazi dnevnu dozu inspiracije čitajući Swamijevu misao i citat dana. Kaže: "Jako sam sretan što me je Swami odabrao kao instrument Svoga djelovanja."





**Praktičarka** <sup>02308...Slovenia</sup> (slovenački) prakticira Vibrioniku već 15 godina. Prihvatila se prevođenja sveg studijskog materijala od samog početka te je prevela i sve glasnike. Nalazi da je prakticanje Vibrionike i prevođenje uzajamno korisno te izražava svoje poštovanje i zahvalnost Swamiju za obje aktivnosti. Njeno nadahnuće za ovu *sevu* došlo je kad je Swami za vrijeme *darshana* pogledao duboko u oči. To je njen život preobrazilo u život iskrenog služenja i posvećenosti iscjeljivanju i pomaganju drugima, a naročito putem Sai Vibrionike.

**Praktičar** <sup>02678...Spain</sup> (španski) je nastavio svoje nebesko putovanje u decembru 2016. u dobi od 81 godine. Sa vibro praksom počeo je 2003. i bio je vrlo važna karika u prevođenju naših priručnika, modula obuke i svih glasnika od 2009. godine. Mnogo će nam nedostajati!




**Praktičar** <sup>11567...India</sup> (teluški) preko godinu dana prevodi i koordinira prevođenje glasnika na Telugu. Osjeća se blagoslovljenim i privilegovanim što može obavljati ovaj posao jer smatra da to pomaže pacijentima koji žele koristiti vibrioničke lijekove ali zbog jezičke barijere nisu u prilici razumjeti metod. Obavljajući ovaj posao mnogo je puta iskusio Swamijevo božansko ohrabrenje: "Ako ti radiš Moj posao, Ja ću brinuti o tvom poslu". Njega u ovom radu podržava

**Praktičarka** <sup>15568...India</sup> koja je novi i posvećeni dodatak našoj vibro porodici. Ona posao prevođenja nalazi uistinu nadahnjujućim te korisnim i na ličnom nivou; naprimjer, zahvaljujući prevođenju naišla je na tehniku Ho'oponopono koja joj u velikoj mjeri pomaže u svakodnevnom životu. Kad prevodi rubriku - "Božanske riječi Vrhunskog Iscjelitelja", Osjeća da se povezuje sa Swamijem te Mu zahvaljuje za ovu *sevu*.



+++++

### 3. AVP radionica u Puttaparthiju, 17-21. mart 2017.



Prvu AVP radionicu 2017. u Puttaparthiju za pet učesnika iz Kerale, Tamil Nadua i Telengane, od 17. do 21. marta, održali su dva iskusna učitelja.

Učesnicima je pažljivo prezentiran osnovni sadržaj svakog pogavlja priručnika za AVP što je bilo potkrijepljeno i praktičnim primjerima. Učesnici su imali priliku da direktno komuniciraju s pacijentima, zabilježe njihove podatke, naprave lijekove te pripreme izvještaj o uspješnom slučaju. Objasnjena im je važnost sistema mentoriranja uporedo s važnošću redovnog mjesečnog izvještavanja prema formatu datom u zakletvi Swamiju. Svih šest dana održavali su se vrlo interaktivni Skype sastanci sa dr. Aggarwalom, uključujući i veće uoči početka



obuke. On ih je upućivao na ispravan pristup praksi te kako da komuniciraju s pacijentima suosjećajno i s razumijevanjem bez da se zanose očekivanjima ili brigom oko rezultata liječenja. Također je podijelio vlastita prekrasna iskustva sa Swamijem te uputu koju je primio od Iscjelitelja i Svjetlosti Vodilje svih praktičara. Učitelji smatraju kako su im ovi Skype sastanci omogućili nove uvide, a za učenike je to bila prilika da dobiju odgovore na njihova brojna pitanja.

Svi su učesnici položili test s najvišim uspjehom te su otišli iz Puttaparthija s čvrstom odlukom i željom da krenu svojim putem Sai vibrioničke prakse.

#### 4. Susret praktičara u Hyderabadu, Indija – 26. mart 2017.

Svih četrnaest aktivnih praktičara iz Hyderabadu učestvovali su u vrlo interaktivnom susretu kojeg je 26. marta 2017. vodio **praktičar**<sup>00123</sup>. Učesnici su međusobno razmijenili iskustva, metode i korisne kombinacije.



Voditelj je naglasio kako je tokom svog 22-godišnjeg putovanja s Vibrionikom naučio brojne lekcije koje je potom za dobrobit učesnika sažeo u nekoliko tačaka. Najvažnije su bile služiti bez ikakvog očekivanja i nagrade te odnositi se prema pacijentima s ljubavlju i poštovanjem. Prema pacijentima trebamo biti srdačni, ljubazni i snošljivi, a kao praktičari moramo paziti na vlastito fizičko, mentalno i duhovno zdravlje. Grupa je pohvalila odnedavno iniciran mentorski sistem, dok su se iskusni praktičari požalili što i oni nisu imali tu vrstu vodstva u njihovim ranim danima. Sada su se odlučili povezati putem društvenih mreža kako bi razmijenili znanje, iskustvo i slučajeve u cilju kontinuiranog napretka. **Praktičar**<sup>11562</sup> se ponudio da napravi 5-minutni film

o ljudskoj anatomiji koji bi se potom distribuirao među praktičarima.

Kasnije poslijepodne imali su Skype sastanak sa dr. Aggarwalom. On je podsjetio grupu da energija teče tamo gdje je interakcija između praktičara i pacijenta prožeta **ljubavlju**. Svaki lijek će djelovati ako ga damo s "LJUBAVLJU" jer je Swami Onaj koji liječi. Sastanak je završio jednoglasnim dogovorom da se radionice održavaju redovno i učestalo. Sa sastanka su otišli s obnovljenom odlukom da još dublje zarone u služenje putem Vibrionike.

**Om Sai Ram**

*Sai Vibrionika*. . . na putu ka usavršavanju u *medicare* – zdravstvenoj brizi dostupnoj svima